

میرزا عبدالکبیر

2,222,123

وحدان محاکه سی ()
انصاف ترازوسی ()



اثر :

عبد الرشید بن عمر ابراهیمف .



(ایکنجی کره طبع اولندی)

اوکتابر ۱ ۱۹۰۶ سنه

طبع اولندی عبد الرشید بن عمر ابراهیمف مطبعه سنه
س - پتر بورغه غلازفسکی اورامده ۱۲ خانه ده

يا فتاح يا علميم اللهم ارنا الحق حقا

بو صوڪ سنه لوده هر طرفه اسلاميته تعرض كوندن كونه آرتمقده اولديغي معلومدر. بو ايسه اسلاميتي اونوتمش مسلمانلره، بيوك بر درس اولدى؛ خريستان ميسيونيرلرى بزى خواب غفلتدن ايفاظ ايتديلر و الازمهيمشه اعتقاده هيچ مدخلى اولميان يونان فلسفه سنى و رافضى لر مغالطاتي، امويه، عباسيه، فاطميه و خلفاء سائره سياسياتي عقيده ظان ايدهرك نه قدر عمرلر ضايح ايدرك، شمدى الحمد لله ثم الحمد لله ميسيونيرلر بزى غفلت اويقوسندن اويانديديلر و حقيقه اعتقادي لازم و ردى واجب بولغان مسئله لردن بزه بحث آچديلر؛ وعن قريب دهامهم مسئله لردن بحث اولنه جغى ده شبهه سزدر. بزده بو سايله ده ايمان تحقيقيه نائل اولاجغز و بوسايله ده اعتقادلر مزى تصحيح ايده چكز، و ايمان تقليديدن قورتلا جغز. بزم اسلاميته الحمد لله علماء چوق، كتاب چوق، جدى تشبث اولنورسه هر حقيقتى كشف ايتمك ايچون اسباب ميدانده در. عقائد اسلاميه، ميزان عدالته اثبات وجود ايدرسه هر بر اصحاب عقول عننده، حقيقت نمونه سى اولارق قبول اولنه جغى شبهه سزدر.

اشته شو مطلبه خدمت ايتمك مقصديله، بزده عاجزانه بر موازنه فكلرنده يز. البته بزم موازنه مزده بيوك نقصان كورله چكدر، زيرا بزم كى بر بازاركان بويله بر بدستانده آيش و پيريش ايده ماز. مع ما فيه بز كندى عقل قاصر مزه مناسب بر نوع تشبهاته بولنورساق وظيفه مزى ايغا ايتمش اولورز. بعده علماء عظام حضراتى البته مقاماته مناسب تحقيقاتده قصور ايتملر. فى زماننا، استر ميسيونيرلر طرفندن، استر سياسيونلر، طرفندن؛ اسلاميت عليهنده يازلمش كتب و رسائل پك چوقدر. بوبابده بنم صوڪ دفعه اولارق منظورم اولان رساله: (خان كرمين) جوارنده (قاراميشف) قريه سنده ساكن

میسوینر موسیو (دارونکین) جنابلرینک: (آچیق مکتوب) نام اثریدر. موسیو (دارونکین) جنابلری آچق مکتوب لرنده قاسم خان تاتارلری ایچنده میسوینر جمعیتی نك بر شعبه سی بولماسینك سببی بیان بعدنده قاسم خان مسلمانلرینه خطابا دیور: «ای تاتارلار! کم نك دینی حقدرد؟ امتحان ایدکدر دین کتر حقیقی؟ دگلسی؟ امتحان ایدکتر!! بر دین نی کور کورنه قبول ایتمک جائز دگلدرد، سز نك دین کتر باطلدرد؛ بز بوراده حق دین تعلیم ایتمک ایچون کلدک، هر زمان حاضرمز کلوکتر حق دین نی اوگره نکلر بز بلا اجرة تعلیم ایدرز».

انسان النده انصاف بر میزان عدالتدر؛ انصاف، الله اولدقچه حقیقت انکار اولنه ماز. دارونکین جنابلرینک (امتحان) دیدیگی سوز، (بر دینی کور کورینه قبول ایتمک جائز دگلدرد) دیمه سی، پک دوغری سوزدر. هر انسان ایچون قبول ایلدیگی دینی امتحان ایتمک و تحقیق ایتمک لازمدر. کور کورنه باشقده سینه تابع اولارق دلیل سز سندسز بر دینی قبول ایتمک اصلا و قطعاً جائز اولماز. دوغری سوزی قبول ایتمک انسانیمه مناسبدر؛ فقط جناب دارونکین امتحان لزومی سویله مش ایسه دهه، امتحان نیچوک بولوزغه کیرک طریقی کوسترمه مشدر ظن ایدرم. جناب دارونکین بو جهتی بزه ترک ایتمشدر. طریق امتحان نصل اولا بیلور، البته بر نرسه نك ایکنچی نرسه دن آرتق اولدیغنی بیلمک ایچون، هر ایکسی بر آریه جمع ایتمه لی ده و هر ایکسینه کمال دقت ایله باقورق موازنه ایتمه لی. شمدی بزم موازنه ایده چکمز مسئله دین مسئله سیدر؛ بو دین مسئله سنده تبع اولنه حق ایکی جهت وارد؛ اصل موازنه بو ایکی جهتی تطبیق ایله اولور: برنجی جهت تاریخچه در، هر ایکی دینگه تاریخ نقطه سندن نظر ایتمک. دیگر ایسه جهت استدلالیه در که، دلیل و برهین نك عقله و نقله مطابق اولمه سیدر بز هر ایکی جهتی مختصراً نظر اعتباره آلاجغز، ارباب انصاف موازنه سینه عرض ایده چکمز.

بزم فکوره بناء اساس دین بردرد. اصل دین عندالله دین اسلامدر الله تعالی ابتدا آدمی خلق ایلدیسه، اول آدمه دین اسلامی یعنی الله نك برلکنی

(وحدتی) تلقین ایدوب اولادینه تعلیم ایتمک اوزره امر و فرمان بیورمشدر . اساس دین بر خالقک وجودنی تصدیقدن عبارتدر . صوگره امتداد زمان ایله اولاد بنی آدم تکثیر ایدوب اطراف روی زمینه انتشار ایلدیسه ، بعض لری نفس اماره یه تابع اولوب ضالته یوز توتدی و بت پرست لکه کیتدی .

انسان ایچون محدود بر قانونه اطاعت کبی آغر یوک یوقدر ، نه کونا قانون وضع اولنورسه اولسون بنده محدود اولان ییگی قانونی بکده اختیار یله قبول ایده میور طبیعت بشریده خلقه اوامردن انحرافه بر استعداد وارد . بوننگله برابر بر معبود لزومی دخی طبعاً حس ایدیور . اشته شو حکمت طبیعیه انسانی بت پرست لکه سوق ایدیور ، بوندن ماعدا دخی اسباب ظاهره موجود و هر کسجه معلومدر .

هر زمانکه اولاد آدم بت پرست لکه میل ایلدیسه الله تعالی ده بر مرشد و معلم کوندرمش ، و اولاد آدمی وحدته دعوت ایتمشدر . بوده بر قانون الهی اولمش . نه قدر انبیاء عظام کلدیسه اکثری تارخلر ایله مثبتدر . بونلری دین معتقدلری هیچ انکار ایتمیورلر . و پیغمبرلر همدهسی : الله بردر تعلیمنی و یرمشلر زمانه سیننه موافق احکامی تبلیغ ایتمشلر ؛ و بو پیغمبرلردن هر بری : کندی نبوتنی تصدیق ایتدرمک صددرده عصر و زمانه مطابق خوارق اظهار ایتمشلر ایسه ده ، همان منکرلر بولنمش ، (۱) تاریخ علمنده جزئی معلوماتی اولنلره بو حاللر هب آشکاره در ، بونلری انکار ایدرسه ، آنجق دینسز لر انکار ایدرلر دین معتقدلری انکار ایده مزلر .

بو قدرجک بر مقدمه دن بنی آدم نك من القديم دین تعلیمی ایچون بر

(۱) بو کورنگه قنر ییگی بر شی ظهور ایدرسه بنده همان بلا ترد قبول ایده میور حتی بو کبی بر دین دکل عادی شیلریده دخی بنده همان انکار ایسر ، حتی ۱۸۹۷ سنه سی روسیه حکومتی مملکتی داخلنده بولغان عمومی نفوس حسابنی یازوب کوره جکی زمان ، یوژنای کرا ایله (خارخوف) ولایت لرنده بولغان خرسیتیان لری بیر ییسنی انکار ایده رک ، بودجال معامله سیلر ظنیله کندلرنی بر آن اول توپراغه دن ایتدیبر مشلر در . خرسیتیان لری معتبره آدملر ، ۲۰ کشی بر قیبرگه یاتوب اوزلری دفن ایلسکان کشی گه آقچه بیر دیلر ، بو وقعه نی جمله روس غزته لری یازدی فقط ترجمان صاحبی یازمادی روسلر نك قباحتنی مسلمان لردن ستر ایتدی . خرسیتیان لرده بو کبی وحشت لری آز دکلر یالغز مدنیت سایه سنده مستور قالیور .

معلم و مرشده احتیاجی اولدیغی و امتداد زمان ایله بنده نك صراط مستقیمدن تمایلاتی، بر قانون طبیعی منزله اولدیغی آگلاشیلدقن ماعدا، بنی آدمه دین لزومی دخی ضروری اولدیغنی کوستوریر. بنی آدمه البته دین لازمدر، زیرا دین بر رهبر معیشتدر، دین بر قوه سیاسیة اهلیه دندر، بونک لزومی دین سزله دخی انکار ایده میورلر. بو کون دین لزومی ضروری اولماسه ایدی یعنی دین سزکدها آرتق اولسه ایدی، شو عصر حاضرده، خرهستیان اکبر لرندن هیچ برسی، عقیده لرنده اساس دین اتحاد ایلدکلری تشلیشی (۱) تصدیق ایده میوردی. حالبوکه شمدی خرهستیان لر: شو کندلری دخی تصدیق ایده مدکلری دین لرینی رسما اقرار ایده رک هر کسه ده جبرا کوچلاب اقرار ایتدرمک فکرنده بولنیورلر، حکومت لری بر طرفدن، میسیونیرلری ایکنچی طرفدن هپ او عقل سلیمک قبول ایتدیگی شیلری، هر کسه تکلیف ایدیورلر. دیمک اولورکه: انسان ایچون دین لازمدر. ذاتا اصل دین لزومی کسه انکار ایتیمور. فقط شمیدلک انسان ایچون مهم اولان شی اودرکه: قبول ایده چکمز دین، هم عقله و هم نقله، مطابق اولمه لی. اشته شو مقصده وصول ایچون اورتده موجود ادیان ثلاثه دن قنغسی دخی زیاده عقلا و نقلا مبرهن ایسه اونی قبول ایتمه لیز بونی بلمک ایچوننده، بزه اول بونلری موازنه ایتمک لازمدر. بونلری موازنه ایتمک آنجق تاریخ معاونتیه اولا بلور، اشته شو حالده بز بونلردن هر ایکسی نك احوال تاریخیه سینه بر عطف نظر ایدرز. هر کس انصاف ایدرسه حقیقی بولور.

بزم عقیده مزه کوره عیسویت ایله خرهستیانلق آراسنده دخی بیوک فرق وارد؛ بو ایکسی تفریق ایتمک آیرمق بزرگه لازمدر، شو سببدن بز ابتدا عیسویتی

(۱) یالغز ثلث کدل بلکه انواع اسرار خنیه و کناهلرک عفو اولنه سی ایچون رجال روحانی لره احتیاج، و امثالی عقلدن بعید اعتقادلر، خرهستیانده تعداد خارجنده در، هم بونلرک شوبله خلاف عقل اوله رق اعتقادی واجیدر. پوب نك قزلی آتاسی حضورینه کیله جمیع کناهنی بر بر صایوب کیمس ایله نه ایلدیکنی اعتراف قیله سوگره پوب عفو قیله همه خلق کناهلرنی شول طریقته هر سنه پوب حضورنده اعتراف قیله لر یا شرک پوبلر ماتورراق خساتون ارک کناهنی عفو قیلعانده آدریسی هم یازوب قویه لر.

بیانده: (عیسی علیه السلام) غه نسبت ایدوب سوگره دن ایجاد اولتان
 خریستانلغی بیان صدندده انجیل چیلره اسناد ایده جگزه. بوراده خریستانلره
 وخرستانلق عبارهلرنی استعماله مجبورزه، وخرستانلره منسوب ابن اللهدن بحث
 اولندیغی زمان: (ایسوس) وابن الله کلمهلرنی اختیار ایدرز، اما بزم نبی اعتقاد
 ایتدیگمز (عیسی علیه السلام) دن بحث اولندیغی زمان عیسی ونصرانیت
 عبارهلرنی استعمال ایدهرز.

مقصد ه شروع

خلقت آدم (ع م) دن (۵۵۴۹) سنه آخرنده قدس شریف جوارنده، بیت
 لحم) نام قریهده حضرت عیسی عم مولدا خارق العاده اولارق دنیایه کلدگیله، حتی
 بیشکده زماننده خارق العاده اولارق تکلم ایدوب سویلهشب والدۀ ماجدهسی
 حضرت مریمی تبرئه ایلدکده قومی کلیا انکار ایتمشدر (۱) شیمدیکی متغن
 خریستانلرده حضرت عیسی علیه السلام بوصورتله خارق العاده ولادتتی تصدیق
 ایده میورلر. حتی بونک ایچون ابن الله دیگمه مجبور اولیورلر. و بعض جاهل
 دین سز خریستان لر ایسه، یهودی لره تبعاً حضرت مریمی اتهام ایدیورلر؛ الحمدلله
 بزم قرآن مز هم حضرت مریمی تبرئه ایدر. هم حضرت عیسی نك مقامنی
 پیغمبرلك لایق بولغان صورتده تعصیم و تقدیس ایدر. بزده الله تعالی نك
 قدرت الهیة سینه قارشى هیچ اشکال یوقدر؛ هر نه قدر بعض کسنه: (واوحینا
 ایها روحنا فتمثل لها بشرا سويا) آیت کریمهسی تفسیرنده: (ای فاتی بها
 بالقوة البشرية التامة) بیورمش لرایسهده، اکثر مفسرین ید قدرته تفویض ایتمش
 لردر. و بعض لریده طبیعته تطبیق ایچون، نفخ دن استلذاذ حاصل اولدی
 دیمشلر. هرچه علماء اسلام ادب دائره سندن تجاوز ایتما مشلردر. شان نبوته
 موافق و پیغمبر لگه لایق و مناسب صورتده معنا و یوم مشلردر. یهودیلر ایسه دوغریدن

(۱) حضرت عیسی علیه السلام نك خارق العاده ولادتتی تصدیق ایلدیکی ایچون، یهودیلر حضرت
 زکریا علیه السلامی شهید ایتمشلردر.

دوغری حضرت مریمه تهمت ایتمشلر؛ و حضرت مریمی صوگ درجه ده تعجیز ایتمشلر. عاقبت حضرت مریم یهودیلرنک تجاوزلرینه تحمل ایده میوب، حضرت عیسی ایله برابر ارض مصره عزیمت ایتمشلردر. و حضرت عیسی علیه السلام ک اون ایکی یاشینه قدر ارض مصره اقامت ایتمشلردر. بعده حضرت مریمک عم زاده سی یوسف، مریم ایله عیسی (ع می) ارض مصردن اخذ ایدرک، قدس شریف جوارنده (ناصره) نام قریه گه کتورمشدر (نصارا اطلاق بوندندر) و حضرت عیسی عم بوقریه ده اوتوز یاشینه قدر اقامت بیوردی.

حضرت عیسی علیه السلام تمام اوتوز یاشینه بالغ بولغانده اعلان نبوت ایلدیسه، بودفعه جمله یهودیلر بردن قیام ایدرک، حضرت عیسی کلیا تکذیب ایتدیلر، پیغمبرلکنه اینامادیلر، یالغان دیدیلر؛ انواع افترارل اذا و جفالر ایدوب، ساحر و مجنوندر دیدیلر؛ حضرت عیسی علیه السلام ده بونلری اقناع ایچون، زمانه سینه مطابق برچوق معجزه لر کوستردی: قاچ بی علاج خسته لری تداوی ایلدی (۲) و امواتی احیا ایلدی (۳) اعمی، صوقلرئی کورور ایتدی، الله طرفندن ارسال اولنمش انجیل احکامنی تبلیغ ایلدی. اشته شو معجزه لری کوزلریله مشاهده ایدن یهودیلر، حضرت عیسی عم می تکذیب ایتدیلر؛ بلکه حضرت عیسی تحقیر ایدرک ولد زاندر دیمگه قدر جسارت ایتدیلر. حضرت عیسی عم بو حال ایله آنجق اوچ سنه تبلیغ احکام ایله مشغول اولدی، یالنگز اوچ کنه یل پیغمبر اولارق یاشادی البته شوندا ی آز وقتده کوب ایش کورلیدی. حضرت عیسی نک تبلیغ ایلدیکی دین ایسه، همیشه دین اسلام ایدی. همیشه وحدته دعوت ایدردی بز حضرت عیسانک تبلیغاتی هپ من طرف الله دیه تصدیق ایدرز، و تصدیق ایتمکده وظیفه مزدر.

اشته شو ذات محترم، حضرت عیسی عم، بر کون من طرف الله مأمور

(۲) زیرا حضرت عیسی عم زماننده علم طب شایع اولدیغی بر زمان ایدی.

(۳) احیاء موتایه شمذیکی خرسیتیانلرده هیچ اینانمیرلر زیرا امکان خارجدهدر، فن صغدمز، احیاء موتا ممکن دکلدر دیرلر.

اولدیغی کبی وعظ و نصیحت ایتمکه ایکن، یهودیلر در دست ایدوب قدس والی سینیه تسلیم ایدهرک، حبس و توقیف ایتدیردیلار. بعده حقنده بر چوق افترالر ایله اعدام اولمه سنی استه دیلر. بعد الحاکمه اعدامه رسما قرار ویرلدی. (حبس خانهدن چیقارب اعدام ایده چکعلری زمان، الله تعالی قدرت سبحانیه سیله حضرت عیسا یی رفع ایلدی) حضرة عیسییه مشابته اولان بر کمنه یی، حبس خانهدن اخراج ایدهرک، حضرت عیسی بودر دیدهرک، مجهول بر آدمی یهودیلر صلب ایتدیلار. (۱) اشته بونک اوزرینه عیسویتی قبول ایتمش نصارا ایله یهودیلر آراسنده بر نزاعده چیقدی. یهودیلر حضرت عیسییه انواع هزیانلر اسناد ایتدیلر. البته حضرت عیسی توابع لریده مقابله و مدافعه ده بولندیلار. عاقبت بیوک فتنه لره باعث اولدی. اورتالغده قان دریلری جهریان ایتدی. بو وقععلری اثبات ایچون تاریخ عمومی شهادتی کافیدر. بو کون خرستیان بیراملری کمال اعتبار ایله ملاحظه اولتورسه بو وقععلرنک برر تمثال مجسمی در. حتی حضرت عیسی یه نازل اولمش انجیل دخی یازلمدی و یازمقده ممکن بولمدی. همان یهودیلر ایله نصارا بیننده فتنه دوام ایتدی.

میلاد عیسی دن آلتمش طوقز سنه سی ارض فلسطین ده بر بیوک فتنه ایقاپ اولنوب، اوراده مدت مدیده حکمدارلق ایدن یهود سلطنتی محو اولندی. اسلام تاریخ لرینک روایتنه کوره: بو وقعده تقریبا آطی یوز بیک یهودی تلف اولمشدر.

میلادی (۱۳۵) نجی سنه ده روما عسکری طرفندن قدس شریف تخریب اولنوب بر میلیون یهودی اتلاف اولندیغی روایت اولنیور. (۱۳۶) سنه سنده عیسویلر یهود علمالردن بر آدم نک (جلد) تیرسینی، حیا، تری اولدیغی حالده صویب

(۱) البته او زمانده محبوب سله رک اکثری، عیسویتی قبول ایتمش مؤمن لره ایدی؛ حضرت عیسی یولنده کندیلرنی فدا ایتمک ایچون هر زمان حاضر ایدیله، صلی ده قبول ایدر اعدامه ده راضی اولورله بوراسی جای ملاحظه در، بونلر همه ممکن در. ذاتا اوج سنه طرفنده حضرت عیسی نی قانوب بتاریک بولغان یوق، حبس خانه تیرتیلریده منتظم کل. اول زمانده کل بزک بو یکر منجی عصرده دخی حبس خانه لرده هیچ گناه سنر آدم لره بشقه سی مقامنده جزا اولمقده در.

الارق اجراء وحشت ایتشلردر. (۱) اشته شو کبی وقایع مدهشه بعدنده یهودیلرده، عیسوی لرگه علنا مقاومت ایده جک قوت قالمدی. ذاتا یهود ملتنده طبعاً بر ایتک آلتدن دساسلقده وار، حبسارت یوق؛ شوسبیه منی باشقه توری انتقام صددنده بولندیلر، حتی بعضلری موقتا نصرائیتی دخی قبول ایتدیلر. بو صورتله تعلیمات عیسایه بر طاقم علاوه و تحریفاتده بولندیلر. ظن غالب چوقده کیچیدی، یهودیلر بو جهندن بیوک موفقیت قازاندیلر؛ حتی حضرت عیسایه نازل اولمش کتاب مقدسی دخی نصارا ملتته اونوتردیلر. و بو صورتله اساس نصرانیت دخی ضایع اولدی.

شوراسینه دقت ایتمه‌لی، اگر بویله بردسیسه واقع اولمادیسه، اصل انجیل نرده‌در؟ شمدی اصل انجیل میدانده یوق، قنغی لسانده اولدیغنی دخی کیمسه بیلمه‌یور. ظن غالب انجیل کتاب شکلنده یازلغان یوق ایدی. شونک ایچون تمام انجیلنک محافظه‌سی متصورده دگل، حافظلر اولدیغنی ده روایت ایتمه‌یورلر. شونک ایچون تمام انجیل دنیاده بولماسه کک. حاضرده انجیل دیه موجود بولغان کتاب، حضرت عیسی دن اوچپوز یل سوگره یازلمش کتابلردر. دیمک اولورکه؛ حضرت عیسی مذهبی شوراده ختام بولدی. بوندن سوگره نصرانیت قالمادی. بوندن سوگره خرستیانلق مؤسس‌لری بولنان انجیل‌چیلر کلدی، مکرر انجیل‌لر میدانده چیقدی، بونی خرستیانلر کندیلریده پک اعلی بلیورلر. خرستیانلق مؤسس‌لری اولان انجیل‌چیلرک تراجم احوالنندن جزئی خبردار اولونورسه، هر کس انجیل‌لرنک نه اولدیغنی ده بلورلر. بونلارنک

(۱) هر نه قدر بو کبی وحشت‌لر نصرانیت و خرستیانلق هر ایکسنده دخی مشروع دکل ایسه‌ده، خرستیان‌ملتی هیچ بر عصرده بو کبی وحشت‌دن کیری قالماملردر، حتی شو یکرمنچی عصرده مدنیت دعواسنده بولغان انکلیزان دخی عقل خارجنده وحشت‌ار اجرا ایتدیلر؛ بوندن اون سه مقدمه ارض سودانده غنرال کیچنیر، متهمنی‌نک جسدنی قبردن چیقاروب آتسه یاقدی. اولاه‌بیر وجودنی اعضاسنی آیروجه تعقیب ایلدی، سوگره کولنی هوایه صاورودی، بوگاده مدنیت نامی ویردیلر. ترنوالده اجرا ایتدکاری وحشتی تعریف قابل دکل. . . .

آروپا دول معظمه‌لرنک بالانماق چین‌ده اجرا ایتدک‌لری وحشت‌ار تصور خارجنده‌در: ایمپراطور سرائیغما ایتدک‌لده‌نصوگره آتسه یاقدیلر. بنم بلدیکم بر روس ضابطی (پادشاه‌نیک) قایمقام چین سرائیدن یغما ایتدیکی اشیاء نه‌بسنی صاتمق ایچون، نس بترسبورغده ایکی یوز ییک روبله استه مشدی. آدمور ریاسنی انسان جسدی ایله کوبر حاشیه قویمش‌لردی، صبی و صبیبه هب حیا دگره آتلشدی. . . .

ترجمهٔ حال لرینده، كینه او انجیل لر دن آ رامه لی . خرستیانلقده حواری دن معدود آپوستل (پتر) اشته بو ذاتك اصل اسمی (پترس) یونان لسانده (تاش) معناسنده ایش، (ایسوس) ابن الله آغزندن سویلانیورکه: (بن بو تاش اوزرینه کلیسامی قوراجغم) دیمک اولورکه: بو آدم اساس بنادر.

ودخی عین بو آدم حقدده (متی) انجیلی ۱۴نجی بابی ۲۸نجی آیتدن آخرینه قدر، کینه (ایسوس) آغزندن روایت اولنور، پترسه خطابا دیر: «ای آز ایمانلی» صوگره ۱۶نجی بابك ۸نجی آیتده (ایسوس) عموم حواریلری، بر ایككم اونوتدقلری ایچون: قلیل ایمان دیه تکدیر ایدیور.^۱

(ایسوس) پترسی بعضا: ای شیطان دیه خطاب ایدیور. وامثالی توصیف لر، انجیل لرده بر چوق دفعه تکرر ایتمشدر. برده انجیل متی ۲۶نجی بابنده پترسه خطابا (ایسوس) دیرکه: سگا دیرم، سن همان بر کیچه ده (انه چ قچقرغانچه) خوروز اوتجه یه قدر، بنی اوچ دفعه انکار ایدرسن.

وبوصورتله (پترس) ك بر کیچه ده اوچ دفعه انکارنی دخی، انجیل اثبات ایدیور. حتی پترس بر وقت، اللهمک امرینه غیر مرة انکار ایلدیکنی، اناجیل اعمال رسل قسمنده بشنجی و اوننجی بابلرنده تصریح ایدیور. اشته (ایسوس) کلیساسی شو آز ایمانلی شیطان اوزرینه قورولمشدر، بونلر هپ اناجیل حرافاتی در. ۲نجی آپوستل (پاول) صاوایل ایسه یهود علماسندن ایدی. کندی استاذنك قزینی استهمش، قزده (پاول) جنابلرینی قبول ایتامش، زیرا (پاول) غایت چرکین صورتلی بر انسان ایش. اشته بونك اوزرینه غضب ایدهرک خرستیانلغی قبول ایتمشدر.

مشهور مؤرخلردن (کلردینال) جنابلری عموما حواریلرنك اصل سنر نسل سنر بالقچی مقوله سی آدملر اولدیغنی بیان ایدهرک، خرستیان دینی حق بر دین

۱) حضرت محمد (ص) عموم صحابه لره خطابا (اصحابی کاتجوم بایهم اقلدیم اهتدیم) بیورمش، خندق وقعه سنده أم سلمه خانه سنده آز یمک ایله عموم عسکری اطعام ایلدی طویدردی جمله عسکری طویددی، عجب نیچو ك موازنه ایدهلیم؟ قنغسی دخی بیوكلرگه دلالت ایدر؟ بزم رسول اکرم (ص) حضرت ابوبکر الصدیق حقدده: (لووزن ایمان ایمی بکر بایمان الناس لر حج) بیورمشدر، پتر ایله ابوبکر آراسنیده بر موازنه ایتهلیم؟ ایضا فاحصباری بونلری موازنه ایدرسه ایته حقیقت قایده ایکاننی بیور.

اولمه سنی دخی بوندن استشهد ایدیور. یعنی حواری لر بویله بر حیثیت سنز آدم لر اولدیغی حالده دخی، بو قدر رواج بولدی، اگر حواری لر ایسی آدم لر اولای ایدی، دخی بیوک موفقیت لر متصور ایدی، دیمک استیور.

(لوقا) نك حواری دن اولدیغی هیچ کسه بله میور، بلکه عکسنی سویلاین لر هم وار. (متی) مترجمی کیم اولدیغی کسه ده بلمیور. خرستیانلق مؤسس لرینك احوالی بویله مجهول قالمشدر.

و مقدس صایدق لری انجیل لر بو صورتله بر نظر اعتباره آنورسه، خرستیانلق نه اولدیغی ونه دن چیقدیغی بر درجه یه قدر ملاحظه اوانه بلور. خرستیانلر بو کونگه قدر اللرنده بولنان مقدس کتاب لرینك اصل نسخهلری قایولسانده اولدیغی دخی بله میورلر. بعض لر انجیل (متی) نك اصل نسخهی یونان لسانده دیمشدر و عبرانی در دییانلرده وار؛ عقله مناسب عبرانی لسانده اولمه سیدر. فقط عبرانی لسانده اورتالقه بر انجیل بولدیغی کسه ده سویلایه میور. مکر (ایسوس) نك یهودی اولمه سی، بالقچی حواریلرنك یهودی اولهلری، انجیل عبرانی لسانده اولمه سنی اقتضا ایدر. بو بالقچی لر نك (یونان) لسانده یاخود لاتین) لسانده کتاب نشر ایتمهلری احتمالدن پک بعیددر: البته خرستیانلر کندیلری دخی بورالرنی موازنه ایدرلر؛ فقط بر کره آبا واجدادلری بو مسلکی تومشدر؛ تقلید بلیه سی، انسانی ضلالت میدانده یوارلر کیدر. بولماسه هر عقل سلیم جزئی بر ملاحظه و فکر ایله، حق ایله باطلنی تفریق ایده بلور. خرستیان محرزلندن چوق بیوک آدم لر، بو جهتلری چوق گوزل تحقیق ایتمشدر. بزم بو قدر بر تشریح مزن اصحاب عقول بیوک بر موازنه استخراج ایده جکی شهبه دن عاریدر. خرستیان لر کندیلری دخی شم دیکلی موجود انجیل لر نك حضرت عیسی دن صوگره حواری یون طرفندن یازلمش اثرلر اولدیغی انکار ایده مزلر. بلکه کندیلرینك شهبهلری بو کتاب لر نك حواریلره مسند اولوب اولمدیغنده در. بو شهبه ده یگی دکلدر، میلاد عیسی دن اوچ یوز سنه دخی کیچمکسزین بو شهبه کیومشدر.

ميلاد عيسادن تمام (۳۰۰) ده اسکندريه علمالرندين (اريموس آری) نام بر ذات خريستيان مذهبنی تنقيد ايدب بر چوق خطالرنی ميدانه قويمش، وعموم خريستيان علمالرينه بو خصوصلری اصلاح لرومنی بيان ايتمشدر. (آريوس آری) نك دخی اصل تعرض ايلديگی مسئله، تثليث مسئله سيدر. آری توحيدی اثبات ايدهرک، عیسی ابن الله دکلدر، الله تعالی یه بنوة اثباتی کفردر. اعتقادنی تلقین ايلمشدر. ماکيدونیه فلاسغه لرندين بری دخی (روح القدس ثالث ثلاثه دکلدر بلکه الله عندنده بر قوه خادمه در) عقیده سنی اثبات ايتمشدر. اشته ميلادك اوچونجی عصرنده دخی بو قدر بر شهبه لر ميدانه چيقمشدر. سنه ميلادی (۳۲۵) ده روما امپراطوری قنسطنطين امری ايله خريستيان علماسی نك مقدس صايدقلمی بعض مسائل اعتقادیه لرنی تنقيد ايتمشلدر. او زمانده مقدس حساب ايتدکلری ایللی دورت کتاب موجود ایدی، شول کتابلردن چوغنی بو اجباعلرنده لغو ايتمشلدر. بونی دخی کندی تاریخ لری ايضاح ايتدکن ماعدا، اصل شول اجتماع لرنده تثليث رسما قبول اولنديغنی تصريخ ايدرلر. شورادن دخی فهم اولنورکه، بوندن مقدم تثليث اعتقادی غیر رسمی صورتده تلقی اولنورمش.

اصل تثليث مسئله سی ميلاد عيسادن ۳۰ سنه مقدم (فيلون) نام فيلسوف بر يهودی نك اعتقادی ايمش، بوراسيده بر نظر اعتباره آلنورسه. مسئله تماميده يهوديلار طرفندن مؤسس اولارق ساده ديل خريستيان لره يوتديلرلمش بر يالانجی دوله سيدر. ياخود تاتارچه: (يل بوراکی) ديلرلر.

عصرلر زمانلر مرور ايتدکه، خريستيان لرنك کندی دين لرنده شهبه وئردلری آرتقمده اولديغی معلومدر. (۳۶۴) سنه سنده دخی خريستيان علماسی بالاجتماع مقدس کتابلرنی تقيش و تنقيد ايتديلر. (۳۲۰) سنه سنده قبول ايتمش اولدقلمی کتابلردن بعض لرنی تکرار لغو ايتديلر. وبعض اولدن مردود اولنلرنی تکرار قبول ايتديلر. ميلادی (۳۷۴) سنه سنده استانبولده يوز اللی راهبدن مرکب بر (صابرانیه) جمعيت کشاد اولندی

و بوراده (روح القدس) الوهیتنه قرار ویردیلر .
و بوندن صوگره (تئودس) دورنده قاچ اجتماعلر اولدی . هر اجتماعلرنده
تبدیلات، تغییرات اولدیغی تاریخنا معلومدر . خصوصا قسطنطنین خریستانلره دخی ،
خریستانلغی کندی (پولیتیکه) سیلاستنه مطابق صورتده قبول ایتدیرمشدر .
قسطنطنین ک خریستانلق اوغرنده دوکدیگی قان دریالری ، تاریخ صحیفه لرینی دخی
قومی بر قان حالته کتورمشدر . اساس نصرانیت و خریستانلق بو قدرله آگلانه
بلور . فقط بوراده شمدی بو زمان خریستانلری عقیده سینه دخی بر نظر
ایتمک مناسبدر : شمدی یکریمی عصر خریستانلری ، اصل اعتقادلرینه کوره
اساس ، کینه تثلیث اوزره در ؛ فقط صوگره دن علاوه اولنمش بر چوق
اللهلری واردر . چونکه خریستان عالمنده هر نرهده بر کسه نک الندن بر نوع
خارق العاده بر شی ظهور ایلدیسه ، همان او ذاته بر الوهیت صفقی اسناد
ایدلر ، همان (ابوة) اتالق نامنی ویرورلر . و بو کونگه قدر همان جزئی بر
بهانه ایله یگی بر آله میدانه کتورمگه غیرت ایدیورلر . (۱۹۰۲) سنه
میلادیه سنده روسیاده ، تامبوف ولایتنده ، یگی بر اله ظهور ایتدی ، حتی ایکنجی
نیقولا کندی بالذات بو یگی اللهلری زیارتنه واردی ؛ بو ایسه خواصلر
اعتقادی در . عواملر ایسه هر خانهده موجود تاخته پارچه لرینی حقیقه الله
نامنی ویره رک معبود اتخا ایدیورلر ، انسان بونلری فکر ایتدکجه حیرته
قالور ؛ بو اعتقاده عوامدن خواصه دخی تجاوز ایدیور : مثلا سنه حاضره
ژاپونیه و روسیا محاربه سی بدایتنده ، اقصای شرق قوماندانی (کورپاتسکین)
میدان حربه عزیمت ایتدیگی زمان ، ائک مقدس تاخته پارچه لرینی یانینه آلدی ،
کویا بو تاخته پارچه لرندن استمداد ایده جک ایدی ، (یاپون محاربه سینه
بر واغون «ایکون» آلوب باردی) . (امیرال) امیر الماء مکاروف وفاتندن صوگره ،
امیرال اسکریدلغ تعیین اولندی ایسه ، آگا دخی قاچ تاخته پارچه سی
هدیه ایتدیلمگه ، محاربه ده عزیمتده برابر بولنسون ، حرب زماننده امداد
ایتسون لر . بو صورتله (فاتالیزم) تقلید سلایه سننده ، بو بر مکمل اعتقاد

اولمش کیتمش. کلهلم برده گناه عفو اولماسی مسئله سینیه: بو کون
 عموما خریستیانلرده گناه عفو اولمدهسی (پاپاز) پوبلر النده در. سنه ده بر دفعه
 کیلیسه یه اجتماع ایدرلر، هر کس پاپاز حضورنده گناهلرنی برر برر تعداد
 ایدر، پاپازده آلمش اولدیغی آچه بدلینه خریستیانلرنک، گناهلرنی عفو ایدر.
 حتی پاپاز افندی نك کندی خاتونی و قزی کلور، گناهلرنی اعتراف ایدرلر.
 نه قدر گناه قیلمش ایسه همه سنی برر برر سویلرلر. بو خصوصده (کتولیک)
 پاپازلری زیاده متعصب درلر (کتولیک) مذهبنده اولان بر قز (ارتودوکس) مذهبنده
 بولغان بر یکت ایله غیر مشروع معامله ده بولنورلرسه، کتولیک پاپازی قز نك
 گناهنی عفو ایتمز، یا خود ایدسه ده بیک کوب آچه آلور، بو گناه عفو ایتک
 معامله سی، عقائد دینیله لرنددر. (۱) بوندن ماعدا دخی قاچ دانه بو کبی ذلت لر
 خریستیانلرده موجوددر، بلکه تعداد خارجنده در، فقط بز شمیدیک بو قدرله
 اکتفا ایدرز.

شمدی اسلامیت نه دن عبارتدر؟ بوگا دخی بر نظر ایدهلر. صوگره
 هر کس موازنه ایدر، بو صورتله حقیقت بر درجه تبین ایدر، البته بو کبی
 بر موازنه ده برنجی شرط انصاف در.

اسلامیت

اسلام انقیاد معنا سنده: هر کس بر نبی واسطه سیله کوندرلمش احکام
 الهیدیه منقاد اولور، اطاعت ایدرسه، او آدمه مسلم دیرلر. اشته بزرم عموما
 انقیاد ایلدی کمز احکام الهیه، حضرت محمد (ص) واسطه سیله بز تبلیغ
 اولنمشدر. اشته بزرم ایچون لازم اولان شو درکه، بز اولا بو ذات محترم کیم
 اولدیغی بلمه لی بز. بو ذات: آنا واناسی معلوم و معروف، بزرم کبی انسان
 اوغلی انساندر! اسم مبارک لری (محمد)؛ پدر لری عبد الله بن عبد المطلب

(۱) بنم بر دائما کورشدیکم پاپاز واردی شراپوف نامنده، دیردی: کنج آدم ایچون پاپازلق کبی گوزگ
 صنعت بو قدر چونکه یاش خاتون لرنک آدریس لرنی ارگرنک ایچون واسطه لازم ککل.

بن هاشم اولوب، قبائل عربدن مشهور قریش قبیله سینه منتسبدر. پدرلری عبد الله حضرت محمد دوغوزدن ایکی آی مقدم مدینه منوره ده وفات ایتمشدر. والدۀ ماجده لری حضرت امینه دخی «۵۷۵» سنه میلادیه سنده وفات ایتمشدر. حضرت امینه نك وفاتی اثناء سفرده اولوب، مکه مکرمدن دورت ساعت لك بر مسافه ده مدفوندر. حضرت محمد «ص» نك ولادتق «۵۷۰» سنه ۱۷نجی نیسانده مکه مکرمه ده تولد ایتمشدر. ولادتق هرکس آنادن نصل توغارسه اویله در، بعض جهلانك ظن ایلدیکی کبی آغوزدن فلان دکلدر. فقط حضرت امینه کیراک حملنده و کیراک وضع حملنده هیچ بر نوع آغزلق چیکامشدر. بلکه بعض خوارق دخی مشاهده اولندیغنی محدثین کرام حضرت امینه آغوزدن روایت ایتمشدر. حضرة محمدك ترجمه حالی، بزم علماء اسلام طرفندن ضبط، ومکمل صورته قید اولتمشدر. حتی حین صباوتندن آخر عمرنه قدر، نه کونا حرکتده ونصل معامله ده بولندیسه، کافه احوالی روزنامه شکلنده در. بو بابده امام بغوی نك سیر کبیری و سائر مفصل کتاب لر حضرت محمدك وقایع یومیه سنی برر برر تعداد ایتمشدر. حضرت محمد (ص) یتیم اولدوق عمی ابوطالب تربیه سنده، (امی اولدوق بیومشدر) یعنی اوقومق یازمق بلمزدی، بونکله برابر صبی زمانده دخی عربلر بیننده صداقت، وقار ایله کسب اشتهار ایتمشدی: صادق، دوغری، امین دیرک، هر کس کندوسینه رغبت ایدردی؛ حتی عمی ابوطالب اوز بالالوندن دخی آرتق کوروردی.

(۵۸۱) سنه سنده، ابوطالب تجارتله شامه کیندیکی زمان، اون بر یاشنده اولان حضرت محمدی برابر کوتردی. شر سفرده بصیره نام موقعه ده (جورج) غیورغی اسمنده بر راهب، حضرت محمدی کوروب احترام ایلدی، حرمت ایتدی. کتب سماویده کورمش اولدیغنی بعض علامت لری مشاهده ایدرک. استقبالده بیوک آدم اولاجغندن خبر ویردی. ذاتا علماء اهل کتاب بویله بر آدم گلمه سینه منتظر ایدیلر. محمد «ص» نك طور وحرکاتی، بیوک آدم

اولاجغنی، صبی وقتده دخی کوسترمکده ایدی. عموما عربلر ایچنده حین صباوتنده دخی (الامین) شهرتی قازانمشدی «اشانچلی بر آدم» دیمکله معروف (۱) ایدی.

(۵۹۴) سنه میلادیه سنده حضرت محمد، خدیجه دن مضاربه طریقیله تجارت ایتمک اوزره شام شهره ایکنجی دفعه اولارق عزیزیت ایلدی، بو سفرده معیت لرنده حضرت خدیجه نك «کوله» قولی میسره وار ایدی، شامده بیوک تجارت ایتدیلر. بو سفرده حضرت محمد یکریمی دوزت یاشینده ایدی. بو سفرده دخی حضرت محمد بر راهب ایله کورشدی، راهب حضرت محمدنی چوق تعظیم ایتمش و آخر زمان پیغمبری اولاجغنی خبر ویرمشدر.

اشته حضرت محمد قبل النبوة شو ایکی سفر دن باشقه بر طرفه سفر ایتمامشدر، و علماء اهل کتابدن شول ایکی راهبدن ماعدا کیمسه ایله ملاقاتی معلوم دکدر. بونلر ایله ملاقاتی دخی نهایت بر قاچ ساعت دن عبارت اولاجغنی جزئی بر ملاحظه ایله آگلاشیلور چونکه سفر اثناسنده اولمش بر ملاقاتدر.

شمدی شوراده استطرادا بعض مستشرقلرک ادعاسنی ذکر ایده لم: «حضرت محمد بر یونانی راهبدن علوم دینیه نی تحصیل ایلدی، فقط محمد یونان لسانی بلمدکلرندن، راهبده عربی بلمازدی. بو صورتله انجیل ایله قرآن بیننده فرق عظیم واقع اولمش؛ والاساس بدر» دیلر. بونه قدر ملاحظه سنر بر سوزدر؟ مستشرقلر آرسنده نه قدر جاهل آدملر وار؟ انسان فکر ایتدکجه حیرتده قالور. اگر بو آدملر کندیلری قانع اولارق بو فکره ذاهب اولمشلر ایسه، بونلرنک انتساب ایتدکلری علمه یازق، او زمان حقیقی اعمی مستشرق لردر. یوق اگر مقصدلری مسلمانلری اغفال یا خود جهلاء امتی اقناع ایسه، بوده بیوک بر حماقتدر، زیرا مسلمانلر ایچنده، بری آخرک لسانی بلمدیگی حالده؛ ایکی آدم بیننده، بو قدر بر لسان بلیغ ایله، اوتوز جزء

(۱) شورالری شایان دقت درکه بر آدم قرق یاشینه قدر امین اولورسه، سوگوه نصل یلانجی اولیور؟ خصوصا اخلاق ذمیمه ایله مبتلا اولدیفنی کیسه ده سویلا یه میور، اخلاق ذمیمه ایله افترا دخی ایده میورلر.

قرآن قدر بر تعلیمات امکانی تصور ایده‌جک آدم بوله‌مازلر، بو درجه‌ده آحمق آدم مسلمانلر آراسنده یوقدر، مسلمانلرده او درجه‌ده فکرسنز آدم بولنه‌ماز.

خصوصاً بو مستشرقلرک استاذلق اسناد ایتدکلری راهبلر، شو بزم یوقاروده ذکر ایتدیگمز راهبلر ایسه، اونلر ایله‌ده ملاقاتی نهایت بر قاچ ساعت دن عبارتدر. «قرآن» عظیم الشان کبی بر کتابی، او قدر بر مدت ظرفنده نصل تعلیم ایدر؟ لسان بلماز بر آدم طرفندن تعلیم اولنورسه، عربلر نه ایچون بونک فصاحتدن عاجز اولبورلر؟ بو کبی ظاهر و آشکاره شیلری موازنه‌دن عاجز مسلمان، دنیاده هیچ بولمازلر. انتهى

مقصده کله‌م حضرت محمدک ولادتدن تقریباً یاریم عصر مقدم، بتون عربستانده ادبیات شیوع بولمشدر، حتی خصوصی مجلس و بازار موقع‌لرنده بالاجتماع، ادبیات سابقه‌سی اجرا اولنوردی. یالگنر ایرکاکر دگل، حتی خاتون قزلر آراسنده دخی، یکدیگرینه هجو سویلامک و یکدیگرینک فصاحتده صورنی کویترمک، وهله شعرلر سویلامک، طبعاً موجود ایدی. بو فصاحت، و بلاغت شعریه درجه کماله واصل اولدقدنصوگره، حضرت محمد قرآنی تبلیغ ایتدی، وهر کسده بدن بر حیرتده قالدی، شعرانک او قدر عداوتلری اولدیغی حالده مقابله کلوبده بو کبی بر کتاب یازمق شویله دورسون، بر آیت بیله سویلایه‌مدیلر. حضرت محمدک جاننه قدر قصد ایدرلرده نه ایچون بر آیت مثلنی سویلایدرک الزام ایتیمورلر؟ مادام کندی دییور: (اگر بو بنده مزه انزال ایلدیگمز کتابه شک ایدرسه‌گنر، سزده بر سوره یاخود بر آیت سویلاگنر)؛ اگر سویلایرسه‌گنر یالاننی اثبات ایتمش اولورسنز، دیمک در. شعرا عرب اگر مقندر اولورسه بو تکلیفه مقابل سویلامز اولورمی؟ بو آدمی تکذیب ایچون بو قدر چاره آرادقلری حالده، چاره‌سنی‌ده کندی تبلیغ ایدیور بوندن صوگره عربلرنک سکوتی، البته عجزلرنی اثبات ایدر.

بزم علماء اسلام حضرت محمدک وقایع یومیه‌سنی وقتی و ساعتی ایله ضبط وقید ایتمشلر یازمشلردر، اوهام و الهام ایله یازلمش کتابلر یوقدر، همه

کتاب لومز راویلری، سندلو ایلان حضرت محمد مربوطدر، اساس دینمز اولان قرآن، ضبط وقیددن ماعدا؛ صدور مسلمین ده محفوظ ایدی؛ بزده هیچ بر زمان (حفاظ قرآن) منقرض اولدیغی یوق، قرآن کریم کیم لر طرفندن یازلمش، قنغی زمانده یازلمش هممسی معلومدر. لخیل لره نصل مقایسه اولنه ییلور؟ شبهلی اختلافلی بر آیت یوقدر.

سنه میلادی ۶۰۹ رمضان المبارک ۱۹ نجی کونی جبل حرا اوزرنده حضرت جبریل امین: اقرء سوره سنی تبلیغ ایلدی؛ حضرت (محمد صلی الله علیه وسلم) بو حال لری اول دفعه اولارق زوجمسی (ام المؤمنین خدیجه) یه نقل ایتدی؛ حضرت خدیجه ایسه، ذاتا بو کبی بر حاله منتظر ایدی؛ همان تصدیق ایدهرک، شرف اسلام ایله مشرف اولدی و شول کونده حضرت ابوبکر، عثمان، علی (رضی الله عنهم) حضرتلری ودها بر قاچ کمنه لر حضرت محمدنک پیغمبرلگنی تصدیق ایتدیلر. اشته شو دقیقه دن اعتبارا اسلامیت باشلانمشدر، هم شودقیقه دن اعتبارا الی یومنا هذا، اساس دین بلا تبدیل ولا تحریف محافظه اولنمشدر. اشته حضرت محمد (ص) بو صورتله اظهار نبوت ایلدیمسه، اولاد عرب قیام ایدهرک انکار ایلدی، حضرت محمد (ص) ی تکذیب ایتدیلر، ابتداء امرده حضرت محمد (ص) یالکزدی. عرب لرنک وحشی تاریخا معلومدر، بو آدم نک جانینه دخی قصد ایتدیلر، مع مافیہ (ص م) تبلیغده قصور ایتدی. اول امرده عرب لرنک شردن بر درجه یه قدر اجتناب ایلدیمسه، ۶۱۳ سنه میلادیه سنده «فاصدع بما تؤمر» آیت کریمسی نازل اولدیمسه، علنا تبلیغ دینه مباشرت ایتمشدر. بونک اوزرینه کبار قریش بالاتفاق حضرت محمد (ص) ه مقابل حرکت ایتدیلر، حتی دار الندوهده مخصوص مقوله یازدیلار، بنی هاشم ایله قطع علاقه ایتمک اوزره قرار ویردیلار. شول زمانده حضرت «محمد» ه اللهدن باشقه بر معین یوقدی. اکابر قریش مال و امارت تکلیف ایتدیلر، صوگره قتل ایله تهدید ایتدیلر، بونلردن هیچ برسینه سمع و اعتبار ایتدی؛ بت لرنی تکذیب ایتدی. بو

حالدہ حضرت محمد «ص» یالکز کندی صداقتہ امنیتی سایہ سنده ثبات ایتمشدر. والا عرب لره اوزمانده مقابلہ ایتک قابل دلکدر. بو کونده دخی عرب ملتندہ آدم قتل ایتک، (سرجه قوشی) تورغای تلف ایتکله برابردر. (۶۱۴) سنہ میلادیہ سنده مسلمانلر قریشک اذا وجفلسینہ تحمل ایدہ میوب، ایکی دفعہ اولارق حبستانہ ہجرت ایتدیلر. بو وقعه لر مسلمان کتابلرنده کاملاضبط اولنمشدر، تاریخ وایامی ایله وقاچ آدم ہجرت ایتمش ہب یازلمشدر.

(۶۱۵) سنہ میلادیہ سنده حضرت حمزہ ایله حضرت عمر شرف اسلام ایله مشرف اولدیلار. حضرت عمر کی بر ذات آطی سنہیہ قدر حضرت پیغمبرک بعضا علیہندہ دخی بولنمش ایکن، سوگڑہ دن بردن برہ تمام حضرت پیغمبرک علیہندہ حرکت ایتدیکی بلکہدہ جانینہ قصد ایتدیکی بر زماندہ ہدایت ربانی کلدی. عمر کس بر ذاتک اسلامیتی قبول ایتہ سسی چوق آدملرہ تأثیر ایتک لازم کی ایدی؛ فقط اللہ دن ہدایت کلمدکن سوگڑہ اهل مکہ ناک ضاللتی دخی زیادہ اولدی، شاعرک مجنونک یالانجیلق صفت لریلہ حضرت محمدی تحقیرہ باشلادیلر، حضرت پیغمبر تبلیغ امرندہ اصلا فقور ایتدی، علنا وجہارا سویلادی، وهر راست کلنہ تبلیغ ایدردی. (۶۲۱) سنہ میلادیہ سنده حسب الموسم مدینہ منورہ دن کلمکدہ اولان (۱۲) کمسنہ (عقبہ) نام موقعہ حضرت محمدہ راست کلدیلر، واورادہ پیغمبر بونلرہ تلقین ایمان ایلدی ایسہ، قبول ایدہ رک نبوتتی تصدیق ایتدیلر. سوگڑہ بو آدملر مدینہ منورہیہ عودت ایتدکلری زمان، دین محمدی نهدن عبارت اولدیغنی سویلادیلار ایسہ، بر چوق آدملر غیابا قبول بیوردیلار. تعلیمات محمدی غایت سادہ اولدیغندن هر عاقل جزئی تأمل ایله قبول ایدردی. سوگڑہ (اوس) و (حزر ج) قبیلہ لرندن ۷۵ آدم مخصوص کلہ رک، اسلامیتی قبول ایتدیلر. بو وقعه لر محدثلر طرفندن کونی و تاریخی ایله قید اولنمش یازلمشدر. حضرت پیغمبرک تبلیغ ایلدیکی: اللہ بردر دیہ توحیدہ دعوت ایدیور، بردہ کندی اللری ایلان یاصالان (بت) وثن لره عبادتدن منع ایدیور، سوگڑہدہ سرقت ایتماگر، زنا ایتماگر، یگی

دوغمش قزبالانی اولدرمه کور، کسه ییده بهتان ایتمه کور. اشته اسلامیت بوندن عبارت ایدی. بونده عقل قبول ایتمايه چک برشی یوقدر، مع ما فيه اللهدن هدايت کلمدکجه بونی دخی عقللر ادارک ایده میور.

۶۲۱ سنه میلادیه سنده رمضان شریف آخرنده اسری و معراج نبوی واقع اولدی. بو کره کفار قریش چوق ممنون اولدیلار، همان حضرت محمدنک کذبنی، یالانینی میدانه چیقاره جغز دیدیلار.

ایکنجی کونی صباح کفار قریش بالاجماع قدس شریف و بیت المقدس کیفیتنی صور دیلار ایسه، حضرت محمد ع م همه سنی برر برر تعریف ایلدی، بو شهرنی و مسجدنی هیچ کور ماش بر آدم، کوزی بولن کورر کبی تعریف ایلدکده، عربلر بالعکس انکار ایتدیلر، حتی بر چوق ضعیف الیمان اولانلر ارتداد ایتدیلر، مگر حضرت ابوبکر الصدیق هر کسدن اول پیغمبرنک همه سوزلرینی تصدیق ایلدی، حتی حضرت محمد سمایه دخی چیقدم دیرسه، تصدیق ایدرم بیوردیلار. الی یومنا هذا خرهستیانلر دخی حضرت محمدی تکذیب ایچون شو معراج وقعده سنی یاز بیورلر. بز بولره تعجب ایدیورز، خرهستیانلق ایله متصف اولوب، خرهستیانلق دعواسنده بولنان و (بیبل) انجیل لرگه اینانغان کمنه لرگه، معراجنی انکار ایتملری عناددن باشقه برشی دکلدنر. زیرا بیبل لر نیچه انبیانک حیا سمایه عروجنی تصریح ایدیورلر: حضرت اخنوخ، الله ایله برابر کتدی، تکوین باب ۵، آیت ۲۱ - ۲۴؛ ملوک ثانی باب ۲؛ انجیل مرقس باب (۱۰۶) آیت ۱۹؛ یوحنا باب ۴ و امثالی بر چوق آیتلر انبیاء عظام عروجنی صریحاً سویلیورلر، بو حالده محمد ع م نك عروجنی نه ایچون تکذیب ایدرلر؟ بلمیورم. اهل دین معراج مسئله سنده مساوات اوزره نظر ایتمه لی، مادام که بیبل لرده امثالی موجوددر، انکار اولنه ماز. اگر علم هیئت و فن مساعد دکل دعواسنده بولنلر وار ایسه، بولره دخی دیدجکمز معراج امور عادیه دن دکلدنر، فن خارجنده یاخود حالا کشف اولنه ماش خوارق انکار اولنه ماز. بزرم علماء اسلام معراج مسئله سنده، روحانیت جسمانیت درجه سنده ذاتا اختلاف اتمش لر.

(وما جعلنا الرُّبِّيَا التي اربناك الا فتنة للناس) دخی معراج نبوی نك روحانی اولدیغنی تأیید ایدر. اصل بوراده عرب لرنك عاجز اولدقلری مسئله، حضرت محمد (ص) ك هسچ كورمدیكى قدس بلده سنی، كوز ایله كورمش كسی تعریف ایتمه سیدر. كفار قریش بوراسنی مشاهده ایدرك عجبگه قالدیلر بوگا حیران اولدیلر، اصل معجزه ده بودر.

آدمه بر نوع طبیعت وارکه، من القدیم بو طبیعت هسچ تبدل ایتمیور، والی یومنا هذا ابو طبیعت باقی در؛ بوده دوغری سویلاین آدمی قتل ایتك مسئله سیدر، اصحاب جرائم ایچون انواع جزا تعیین اولنمشدر، اما بر آدم دوغری سوز سویلارسه، مطلقا او آدم نك جائینه قصد ایدرلر، بو طبیعت ده هر ملت ده وهر جنس بنی آدمه بو كونگه قدر موجوددر، حقیقت بو دكلدر دیده مالر، فقط حقیقتی بر آدم سویلارسه، مقابله اولندیغنی زمان صاحبی مطلقا قتل ایله تخویف اولتور. اشته شو طبیعت اقتضاسی اولارق حضرت پیغمبرگده جائینه عربلر قصد ایتدیلر. بو مسئله لر کافه سی علماء اسلام طرفندن یازلمش ضبط وقید اولنمشدر. تفصیلی یازمغه حاجت یوقدر، بونك اوزرینه حضرت پیغمبر هجرتی اختیار ایتمشدر. بوده بر تصادف عجب درکه، دوغری سوز صاحب لری اکثریتله اصل وطن لونی ترك ایتمشدر.

رسول الله نك بو هجرتی میلادی اطلی یوز یكرمی ایکی سنه سنده واقع اولوب، اسلام لر ایچون ابتداء تاریخ اسلام اولمشدر. شول كوندن اعتباراً رسول-الله احكام الهیدی مدینه منوره ده تبلیغ ایتمشدر، آز بر زمان ایچنده بتون عربستانی نور ایمان ایله تنویر ایلدكن صوگره، ممالك سائریه دخی شایع اولمشدر، بر چوق آدم لر فوج فوج كلرك تلقی دین مبین ایدرلردی.

وخرستیانلردن دخی بر چوق آدم لر مدینه منوره ده كلرك ملت وکلیسه لر ایلمانده بولماسی ایچون برآت طلب ایتدكلری مرویدر. حتی شول زمانده حضرت پیغمبر طرفندن ویرلمش برآت نامه دن برینك صورتی، الی الآن حانیه (پروولیه) کلیسه سنده محفوظ اولدیغنی عثمانلی مؤرخلردن نقد التواریح

صاحبی روایت ایدیور. (بومسئلهده اسلامیتده سربستی ادیان نه درجدهده اولدیغنی کوستره بلور).

سنه هجریه ایکی، بدر وقعهسی اولمشدرکه: اسلامیتده برنجی محاربهدر. بو محاربهده مدینه منورهدن یدی میل مسافدهده (بدر) نام موقده اولمشدی. بیك ایکی یوز کفارہ مقابل، حضرت پیغمبر اوچ یوز اوتوز آدم ایله دفاعی محاربه ایتمشدر؛ کفار مغلوب اولارق منہزم اولمشلدر. بوراده اوچ یوز اوتوز آدم نفس حضرت پیغمبرک تحت قومانده سنده بولنمشدر. سنه هجریه اوچده کفار قریش بش بیك عسکر ایله هجوم ایتدیلر، بوراده اهل اسلام کلمتلی تلفات ویردیلار. بو ایسه مدینه منوره دن ایکی میل مسافدهده احد وقعهسیدر. سنه هجریه بش، کفار قریش اون بیك قوت ایله هجوم ایتدیلر، بو وقعهده دخی مغلوب اولدیلر، بوده مشهور خندق محاربهسیدرکه مدینه منوره دن بر بیچق میل مسافدهده واقع اولمشدر، بو وقعهلرده اسلاملر هب دفاعی محاربه ایتمشلدر.

سنه هجریه اطلی: حضرت پیغمبر دورت یوز صحابه ایله اداء حج نیتله مکه یه واردقده، حضرت عثمان نی کوندره رک امان استهدی. شول زمانده مکه لی لر حضرت عثمانی حبس ایتدیلر. بونک اوزرینه رسول الله مکه گه حرب ایدرک کیرمک اوزره قرار ویروب، اصحاب ایله مبايعه ایتمشدی. صوگوه اهل مکه صلحه قرار ویررک، بر مقاوله مخصوصه ایله حضرت پیغمبر عودت ایتمشدر. بو وقعهلرک مفصلی کون وساعتیلده علماً اسلام طرفندن یازمشدر.

سنه هجریه یدی: حضرت محمد (ص) شرق ایمپراطورنه، فرس، حبش، مصر، عمان، بحرین، حضرموت، وشام حکمدارلرینه مخصوص ایلیچی ایله، نامدلر کوندردی، جمله سنی دین اسلامه دعوت ایلدی. یمن و عمان حکمدارلری اسلامیتی قبول ایتدیلر، مصر حکمدارلری و شرق ایمپراطوری اعتذار ایدرک وقت آخره تعلیق ایدوب، رد جمیل ایله جواب ویردیلار. فرس حکمداری ایسه غضبه کلرک تهدیدانه امرلر کوندرمشدر. وقعهسی مشهور اولدیغندن

بزم اوافق رساله مزده تفصیلی یازمغه حاجت کورلمیور . شو قدرکه سوگره اهل فرسندن اکثری ، غیابا حضرت پیغمبری تصدیق ایتمشلردر .

بوندن مقدم ظاهر اولدیغی کبی ، ابتداء امرده اهل اسلام هپ دفاعی محاربه ایتمشدر ، بوده جزئی ملاحظه ایله تبیین ایدر . مستشرقلرک اسلامیت قلع قوتیلده نشر اولندی دیمهلرینه مقابل ، بووقعلری انصاف ایله موازنه ایتمک کافیدر . حضرت پیغمبر حیسر اوزرینه هجومی دخی محاربه ایتمشدر ، وحیسر وقعسه سیده غایت مشهور بر وقعهدر ، بو محاربه ده اسلام لردن اون بش کشی ، یهودیلردن ۹۳ کشی تلف اولمشدر . حیسر فتح اولدقدن سوگره ویرکو (جزیه) آلمق اوزره صلح اولندی . حیسر صلح نامه سی بزم حدیث کتابلرنده عینا موجوددر .

کمیسه اسلامیت اجبار اولندی . سنه هجریه سکر ، حضرت پیغمبر اون بیك عسکر ایله مکه مکرمه ده هجوم ایله جکی زمان ، رئیس قریش ابو سفیان اوزی رسول اللہنی استقبال ایدرک ، حضرت محمد (ص) صلحا مکه مکرمه گه داخل اولدی . وابوسفیان دخی کندی اسلامیتنی اعلان ایلدی . بوندن سوگره مکه مکرمه نی اسلاملر لندن قورتارمق ایچون ، هوازن قبیله سی وسائر قبائل عربان بالانفاق قیام ایدرک ، بتون مال لری واهل عیال لری ایله برابر حنین نام موقعه کلوب اعلان حرب ایتدیلر . بو محاربه ده حسابسز کفار تلف اولدی (۶۰۰) آلطی بیك اسیر آندی ، بووقعه همه سی مفصل صورتده یازلمشدر .

سنه هجریه اون ، حضرت پیغمبر طوقسان بیك کشی برله مکه مکرمه گه واردی (حج الوداع) ادا ایتدی ، شول زمان بر خطبه بلیغه اوقب (الیوم اکملت لکم دینکم) آیت کریمه سنی اوقدقدن سوگره ، امتی ایله وداع ایلدی .

سنه هجریه اون بر ، ربیع الاول آینده حضرت محمد (ص) دار بقایه ارتحال ایلدی . سوگره اوچ کون قدر استشاره بعدنده مقام خلافت عظمی ، اتفاق امت ایله حضرت ابو بکره تودیغ اولندی . انتخاب امام مهم ولا بدمنه بر مسئله اولدیغندن تشییح جنازه مسئله سینه دخی تقدیم اولمشدر . جنازه نك تأخیر اولمه سینه سبب ، انتخاب امام مسئله سی اولمشدر ، والا بعض کفار نك

ظن ایلدیکی کبی، جسد مبارکه لرینک سمایه رفع اولماسنی کسه انتظار ایتماشدر؛ زیرا حضرت محمد عه م معبودک ایلد افتخار ایتمزدی، و عموماً مسلمانلر حضرت محمدی اللهنک بندهسی ویغمبری دیه تصدیق ایتمشدرلر؛ هیچ بر زمانده حضرت محمدگه کیمسه ده الوهیت اسناد ایتماشدر.

حضرت محمد (ص) نك احوالی مسلمانلر چوق گوزل بلورلر؛ سوگورده خلفاء راشدین و ملوک اسلام زمانلری همهسی ضبط و قید اولنمشدر.

خلفاء اسلام ۹۶ هجریه سنده چین داخلنه قدر کیتدیله؛ قفقاز طاغلری، و ماوراء نهر جهتلری همهسی اسلامیت استلا ایتدی. حضرت قتیبه، هندستان، بخارا، سمرقند و کاشغاری فتح ایلدی، اورالده اسلامیتک نشرینه همت ایتدی،

اما کیمسه اسلامیتی جبراً تکلیف ایتمدی. ذاتا حضرت قتیبه اورالده کلیتلی بر عسکر ایلده وارمدی، اجبار ایتمک احتمالی دخی یوق ایدی. حضرت قتیبه

معاهده سنک صورتده، اسلامیتی قبول ایدنلره دخی نماز قیلماق مجبوری دکلدی، فقط هر کیم جامعه کلورسه: نماز دن سوگوره جامع و قفندن کندینه

بر درهم عطیه و پیریلور، دیو قید اولنمشدر. حضرت عمرنک خورستیانلر ایلد معاهده لری و خورستیانلره ویردیکی امتیازلر همهسی تاریخاً مثبت در. اگر

خورستیانلری قهوا اسلامیه دعوت ایدرسه، حضرت عمر دعوت ایدردی، حالبوکه بالعکس عمر زمانده دخی حریت دین اعلان اولنمشدر. ذاتاً دینه اجبار

ایتمک بزده شرعاً ممنوع در. حضرت عمر و حضرت عثمان زمانده ضرب اولنمش آقچه لرده، خورستیان علامتی اولارق آقچه نك اورتا یزنده ضلیب صورتی ابقا

اولنوب اطرافنه (لا اله الا الله محمد رسول الله) یازلمشدر. نه ده تعصب؟ انصاف ایلد فکر ایدلم! بو کون بو آقچه لر موزه خانلرده موجود واربانده معلوم در.

شمدی مدنی خورستیانلر نه یاپورلر؛ بونی دخی فکر ایدلم! : بو کون روسیاده قرق مکدن آرتق (کراشین) تعبیر اولنور مسلمانلر؛ خالص مخلص مسلمان اولدقلری حالده، روسیا حکومتی: یوق، سز مسلمان دکل سز! دیه جبراً و قهراً بو

آدملره خورستیانلق اسناد ایدیور، بو بیچاره کراشین لر قاچ دفعه عرض حال لر

ویردی یار، حکومت هیچ سمع اعتبار ایتدی (۱۹۰۲) سنه سنده مارت ایچنده
نفس ایمراتورده دخی عرض حال ویردی یار؛ ایمراتور کندی الیلده عربضه لرنی
قبول ایلدی، حالبوکه هیچ بر کونا جواب ویرلمدی؛ بونلری هپ انصاف
ایله موازنه ایتدی.

حضرت عیسی ایامنده قاچ آدم مسلمان اولدی؟ قاچ آدم عیسی دینی
قبول ایلدی؟ بونلر هیچ معلوم دکلدنر. اوچ سنه طرفنده بیوک بر ایش
کورلیه جکی دخی آشکاردر؛ سوگره خریستانلق نصل نشر اولندیغی بر
درجه معلومدر.

حضرت محمد (ع م) ۲۲ سنه طرفنده قاچ میلیون آدمی نور ایمان ایله
تتویر ایلدی و جمیع احکامی بالذات اوزی تعلیم ایتدی، حین حیاتنده
جمیع مهماتی اصحابه کوستردی. علی اصح الروایه اون ایکی کشی حضرت
پیغمبر زماننده قرآن کریمنی رسول اللهنک اوز آغزندن تلقی ایدهرک حفظ
ایتمشلردن: ابی بن کعب، معاذ بن جبل، زید بن ثابت، عباده بن صامت
و ابو زید، ابو الدراء، ایوب الانصاری، عبدالله بن مسعود، سالم مولا
ابو خذیفه، عبدالله بن الزبیر، سعید بن العاص و عبدالرحمن بن الحارث کبی،
مشهور و معروف و ترجمه حال لریده غایت معلوم آدلمر. بونلردن ماعدا غیر
معروف دخی حافظلر وار ایدی. رسول اللهنک تعلیمی اوزره قرآنی حفظ
ایتمشلردی، بعده هر سنه حفاظ تزیید ایتدی و آرتدی، قرآن کریمدن بر کلمه سی
ضایع اولوق احتمالی قالمدی، صبی و صبیله لر حفظ ایتدی لر، حتی هیچ معناسنی
بلیگان عجم اولادی دخی قرآن حفظنه موفق اولدی؛ بو کون دنیانک هر طرفندن
بر حافظ کلور امتحان اولنورسه، بر کلمه سنده بری آخرکه تحلف ایتماز،
بو ایسه عین معجزه در. بوندن بیك اوچ یوز سنه مقدم یازلمش قرآن لر، بو
کون کره ارضده بش دانسه موجوددر. بری دخی پتربورخ کتب خانه سنده
محفوظدر. (انا نحن نزلنا الذکر وانا له لحافظون) اسراری ظاهردر. شو
حکمه منی قرآن اهل ایمان طرفندن هیچ بر لسانه ترجمه اولنماشدر.

عجبا حضرت عیسیٰ آغزندن نقل اولنهرق بو صورتله محافظه اولنمش بر کتابنی، دنیاده خریستیانلردن بر آدم کورمش می؟ انصاف اولونرسه میزان میدانده در. حرمتلو خریستیان محرلری، بزه بو صورتله بر موازنه میدانی آچارلرسه بز مع الافتخار اشتراك ایدرز.

دها دوغریسی سویلارسک: اسلامیتی یکرمنجی عصرده انکار ایتک، حقیقه بیوک انصاف سزلقدر. فقط اسلامیت اسلاملر طرفندن دخی بیوک بیوک مصادمه لره دوچار اولمشدر: چنغز وتیمور وقعهلری، حتی مقدا خلافت منازعه لری انتشار اسلامه بیوک مانع اولمشدر. خصوصاً مذهب منازعه لری الی یومنا هذا مانع اولمقده در. بو کبی موانع ظهور ایتماش اولورسه، بوکون کوه ارض ده اسلامیتی قبول ایتماش آدملر قالمادی.

ودخی بیوک مدهش واقعه (اهل صلیب) واقعه سیدرکه، هجری (۴۹۰) سنه سنده باشلانمشدر. بو واقعه پاپا (رویین) تشویقی ایله مسلمانلرغه قارش عوم خریستیان لری آیاق لندرمش ایدی. (۴۹۲) سنه سنده قدس شریفنی اوتوز کون محاصره بعدنده، مسلمانلری بر هفته متمادیا قتل ایتدیلر، یالگر مسجد اقصا ایچنده یتمش بیوک علماء و صلحاء قتل اولندی. ویهودیلردن دخی بر چوق آدملرنی عبادت خانه لرنده قتل ایتدیلر و بر چوغنی تری تری اوتقه یاقدیلر. بو واقعه ده خریستیانلردن هر بری نك کوکسنده قزیل چوپراکدن دیکلمش برر (صلیب احمر) (۱) قزیل کریس وار ایدی، هر قنغی کافر بر مسلمان باشنی کیسوب کتورورسه، (پاپاز) افندیلر جنته کیرمک ایچون او آدمه بر کاغد (بیلات) ویرورلر ایدی. بوندن ماعدا خریستیانلر ایله اسلام لر آراسنده نه قدر قان دریالری اهرق اولنمشدر، هب اسلامیت علیهنه بر حرکت ایدی. بو کون آوروپاده دول معظمه نك مسئله شرقیه تعبیر ایلدکلری وحلی ممکن اولمیان مسئله، کینه اسلامیتی اورتالقدن رفع ایتک مسئله سیدر، هر

(۱) شمدی حکومتلر آراسنده معروف نشانلر: میدال، اوردین کبی علامت امتیازلر، عن اصل صلیب احمر دن مأخوذدر. شرعا حملی جائز بولمغان بر علامتدر، وعقلا دخی جائز دکلدر. فقط بنده لر اعمی صوقلر اق سببندن بونی قبول ایده لری.

نه قدر بو مستور بر مسئله ایسده، بو خصوصده السنه مختلفهده یازلمش رسائل تعداد خارجنده در. بوندن ماعدا دول معظمه نك كافه سنده موجود (میسونیئر) جمعیت لری اسلامیتك اطفاسی ایچون ملیونلر ایله آچه صرف ایدرلر، خریستانلغی ترویج اوغرنده هر سنه قاج فدائی شرفده جولان ایدرک مسلمان لری اضلاله چالشیورلر.

وسائر نه قدر موانع موجود ایکن، اسلامیت همان کنندی کننده تقدم ایتمکده در، بیك اوچیوز یکریمی سنه ظرفنده اسلامیتك تقدمی ایچون، اوچ آچه کسه طرفندن صرف اولنمامشدر. مع ما فیہ اسلامیت هر سنه فرسخ فرسخ تقدم ایتمکده در: بوندن یوز سنه اول (مالای) آطه سنده غوللانیدهده بر مسلمان یوق ایکن، بو کونده یکریمی ملیون مسلمان موجوددر. آنکلییدهده بوندن یکریمی سنه مقدم بر مسلمان یوق ایکن، شیمی لیورپول مانشیسترده یکریمی اوتوز بیك مسلمان واردر.

اگر هر مملکتده شویله بر حریت دینه اولوب، هر کس اوزی تلاکناچه دین قبول ایتک مساعده اولورسه، خریستانلر گروه گروه اسلامی قبول ایدرلر. هم بو حریت عن قریب اولاجغی شبهه سزدر، زیرا یکرمنچی عصر مدینتی ایچون، آتجق اسلامیت خدمت ایده بلور، انصاف بونلرنی تصدیق ایدر. بو کون دول معظمه استلاء ممالک یولنده هر نوع فداکلرغی اختیار ایتمکده درلر. بو مقصده مبنی ملیسارتلر ایله پاره صرف اولنمهنی، و ملیونلر ایله جان تلف اولنمهنی اختیار ایدیورلر، حالبوکه بونك ایچون سهل طریق اسلامیتی قبول ایتمکدر بو کون دول معظمه دن هر قنغسی بونی اختیار ایدرسه، کره ارضده اوچ یوز الی ملیون نفوسه بردن مالک اولاجغی شبهه سزدر. بو ایشی بر کلمه ایلن کورمک ممکن اولدقدن صوگره، بو قدر قانلر توکمک جانلر ماللر تلف ایتک کار عقل دگلدر، اسلامیت بر کلمه ایله اولیور و بر کلمه ایله بو قدر ملل مختلفه نك قبلرینی بر لوحیه جمع ایدیور. بو سیاست بو حقیقت عن قریب ظهور ایدر، مطلقاً دول معظمه دن بری بو حقیقتی قبول

ایدر، فقط هر کیم قبول ایدرسه، بلا سـال السـیف قهرمان اولور. بو کون کره ارض نك هر نره سنده اولورسه اولسون: هندستانده، افغانستانده، ترکستانده و ممالک سائرهده، مسلمانلر کافه سی اسلامیت نامنه حرکت ایدیورلر، اسلامیت یولنده هر نوع استراحت لرنی فدا ایدیورلر. بزم استراحتمز دینمز ایله قائمدر، هر نروده اولورسه اولسون، بر کون حقیقت ظاهر اولور میدانه چیقار، دول معظمه دن بری اسلامیتی قبول ایدر.....

اسلامیت صرف حقیقت اولدیغنی کسه انکار ایده ماز، و کمسه ده انکار ایتیمور، بلکه بالعکس بو کون خورستیان علمالری و منصف مؤرخلری عالم مطبوعاتده حقیقت اسلامیه دن بحث ایدیورلر، خصوصی رساله لر دخی نشر ایدیورلر: انگلیز، فرانسوز، روس لسانلرنده بر چوق مؤلفات واردرکه، صدق نبوت محمدیه دن بحث ایتشلردر. بونلر هب میدانده کون کبی آشکارا اولدیغی حالده، خورستیان پاپاز و مسیونیرلرینک بو حقیقتی ستر ایتمه لری آنجق موقه کندیلرینه بر مدار معیشت ایچوندر، والا (آریانتالیست) لر اکثریتله (لیظهره علی الدین کله) آیت کریمه سینک سری بر کون میدانده حقیقه جغه امین درلر. شو حالده شمدی بزه لازمدر: سفهاء خورستیانه دن اولان (مسیونیر) پاپازلره سمع اعتبار ایتیب سیاست اسلامیه نك حقیقتی میدانده کله منتظر اولمق، بوده یقین زمانده میدانده کله جکدر.

بو کون خورستیانلر آراسنده مسیونیرلر کبی منفور بر طائفه یوقدر. بلکه عموما دول معظمه بونلرنک حماقت لرندن استفاده ایدرک بر مسئله سیاسیه ایقاز ایتمک ایچون بیچاره آدملری، ایسوس و کیلی عنوانیله اغفال ایدیورلر؛ آنلرده کندیلرنده بویله بر خصلت وار ظنیه اهالی شرقیه ایچنده بر طاقم ادبسنزلکده بونلورلر، حدودی تجاوز ایدرلر، دیرکن بر حمیت شرقیه صدمه سینه اوغرلر.....

حکومت لریده آ!!! بنم آدم قتل اولندی بهانه سیله سوقیات عسکریه به باشلار، بو صورتله بر فتنه درکیدر. چین مسئله لری آفریقا مسئله لری ملاحظه

اولنورسه بونلر هب ميدانده دره وقايح حاضرئنگ اکثرى بر ميسيونير قانيله باشلانمقده در . ميسيونرلرنگ كوره جكسلىرى خدمته بوندىن عبارتدر .
بزم ايچون شايان شكران شوراسيدر كه : شمدى اكبر خريستيان بيننده حقيقت اسلاميه ننگ شموعى ، بر چوق كبار خريستيانلر روسيه كنى مستبد بر حكومت تحت اداره سنده بولندقلرى حالده ، اسلاميتى قبول ائتمه لرى . بزم طبوسلق بلده سنده نيقولاي بيلانكوف نامنده بر ذات محترم وفاتدن مقدم اسلاميتى چهاراً اعلان ائتمشدى . شمدى نفس پترسبورغده بر چوق آدملر واردر كه اسلاميتى اظهار ايده ميورلر

بونلرى هب موازنه ائتمه لى ، موازنه ائتمه لى ، حقيقت ميدانه چيقار .
يوقاروده دخى ذكر ائتمشدم : خريستيان محرزلردن بر چوغى اسلاميتى مين انواع رسائل يازمه لرى ، بزم اميدمى بر قات دخى تقويه ايدر . زيرا بونلر هب خريستيانلق انقراضى ايچون برر توطئه در . (غراف طالسوى) كنى مشهور آدملرنگ خريستيانلغى اساسدن تحريپ ائتمه سى ، بزم ايچون بيوك بر بشارتدر . خاطره : ۱۹۰۲ سنه ميلاديه سنده ۱۲ نجى (يانوار) روسيه ده عموم رئيس روحانى وكيلى س . سينوت مستشارى (.....) (۱) جنابلرى حضورينه قبول اولنورق ، روسيا حكومتى تحت اداره سنده بولمان كراشين تاتارلر حقنده مذاكره ائتم : رسما خريستيان وياخود خريستيانلقدن قاجمش نظريله باقمده اولدقلرى كراشين تاتارلرنگ ، خالص مخلص ابا عن جد مسلمان اولدقلرى اثبات ائتم . شو حالده بو ذات محترم بگا جواباً ديديكه : بز بو تاتارلرنگ مسلمان اولدقلرينى بلورز ، بونلر قوق بيك قدر اهالى در ، هب مسلماندر فقط بونلره رسما مسلمان نامنى ويرمكده باشقه معذرت واردر ، مساعده اولنوماز و كسده آنلرى اجبار ائتميور . بن ديدم : عجبانه كنى معذرت اولا بلور ؟ ظن ايدرم هيچ معذرت يوقدر ، مادامكه سز ديرسىز بونلر مسلماندر ، او حالده نه ايچون بونلرنگ قريهلرنده مسجد و مدرسه بناسينه مساعده اولنميور ، ونه

(۱) بو ذاتنگ شهرتى حروفائى نقطه لى عددجه در .

ایچون بونلرنک اسلامچه اولن اسملرینه بردها خریستان اسمی علاوه اولنیور؟
 دینجه بزه باقوب کولرک دیدی: بلورمی سز! سزنگ اسلامیت امراض ساریه
 قییلندندر. بز بو کون کراشین لره مساعده ایدرسک، یارین چیرموش، چواش،
 آرهمه سی دیه چکلر: بزده مسلمانز. اوزمان نه یاپارز؟ ذاتا سزنگ مسلمانلر
 بولنان ولایت لرده بزملکی لر دخی سزه میال بولنیورلر، بو ایسه حکومتک
 استقبالی ایچون مناسب دگلدر، حکومت روسیا حکومتی در
 ای اهل انصاف باق کز! شو عدالته. بر طرفدن ایمراتور نجی نیقولای:
 اختیار دینی اعلان ایدیور، دیگر طرفدنده امراء ظالماً بیچاره آدملرنی خریستانلغده
 قید ایدیورلر. اگر بزم مسلمان حکومت لردن بو کبی بر حال واقع اولورسه،
 عموماً دول معظمه قیام ایدرک (ریفورمه) استرلردی، بلکه ده اعلان
 حربه قدر کیدرلردی. اما کندیلرنده بو کبی شیلر هپ مدنیت عد اولنیور.
 اشته بو کبی حال لر هپ موازنه اولنورسه حقیقت میدانده چیقاره. بزم
 اسلامیت ده الحمد لله ثم الحمد لله بویله مجبوری ومکره اسلاملر یوقدر.
 بز شمدیلک بو قدرله اکتفاء ایدرز؛ مولی کتیب طلبه لرمزه ثبات ویسون. امین!

اخطار مهم

بزم اسلام لره هر زمان متیقظ اولمق درکاردر، زیرا خریستانلر اسلامیت
 علیهنده انواع دسیسه لر ایله، بغض و عداوت یوللارنی آچمقدهدر: اسلامیت
 علیهنده انواع کتابلر نشر ایدیورلر، کتیب قزله اجرت تعیین ایدرک بر
 نیچه یکتی آذررغه قوشه لر. وبعض بیوک شهرلرده مخصوص (قارچق) عجزه لر
 بار اوراملرده دیلانجی، یاش اسلام بالالرنی آچه کیوم بیره من دیب کوتوره
 صوگره بلا اختیار چیرکلوگه آلوب باره لر خلاصه کلام خریستانلر مسلمان لرغه
 قارشی هر نوع دسیسه لر قورمقدده، ممکن قدر مسلمانلق خلافت عداوت
 پلان لرنی توزومکده اجتهاد ایدیورلر.

۱۹۰۲ سنه سنده نفس پترسبورغده و باشقه بيوك شهرلرده بر قاچ تلسز بالار بولنديرديلار. بو بالالرنك قوللارنده برر دفتر وار ایدی دفترلنده شو عبارلر يازلمشدی: بو بالا (غريك) يونان خريستيان بالاسی در، بونك تيلنی عثمانلی مسلمانلری کيسمشلدر، بونلر خريستيانلق اوغورده تلسز قالدیلر، هر کس بو بالاغه خريستيانلق نامنه معاونت ايمه ليدر، بو بالار بر زمان شول پاره ايله اسلاملردن انتقام آلورلر.

بو بالالرنك اللرنده اولان دفترلری، محلی مأمورلر طرفندن تصدیق اولنمشدی. بن کندم بالذات دفترلرنی کوردم و قاچ دفعه لرتجربه ایتدم، اکثرينك لسانلری دخی وارد، چوجق لر ايله اوینادیغی زمان مکمل سویلاردی، صوگزه بر آدم کورورسه يانينه کيدوب دفترینی کوسترردی. بو چوجق لری آفستريده دخی کورمشدم.

باق کز! شو دسيسه لره، بونلرنك صوگي صليب احمر وقعهلرنی خاطره کتورور، بو خصوصده امين اولمق اصلا و قطعاً جائز دگلدر. والسلام.

انصاف

بزم روسیاده مسلمانلر، روس ملتی ايله برابر غایت گوزل ياشارلر، تجارتده و معاملۀ سائرده يك ديگرينه دائماً معاونت ايدرلر. روس عنصري ذاتا تانار عنصري در، روس قومنده بر علو جنابلقده وارد، اصل روس قومی هيچ بر زمان کسه يه فنالق استه مازلر. يالکتر شمدی هر قمنه و هر فنالق پاپازلردن و ميسيونيرلردن ظهور ايديبور. حکومت حاضرده ميسيونيرلره معاونتمده بولنور، هر نه فساد چيقارسه ميسيونيرلار واسطه سيله چيغاقچمدر والا بزم روس ملتنه هيچ بر کونا خصومتتمز يوقدر. سوزنك دوغريسی دخی بودر، انصاف و انسانيت بونی اقراره مجبور ايدر. فقط حکومت بو ملتی اغفال ايدوب جمله روسلری تاتارلره دوشمان ايتمشدر. حکومت نك مقصدی ايکی ملتی برنی آخره دوشمان ايدوب اوز مقصدنه خدمت

ایتمکدر. بر مملکتده اولان تورلی ملت لر بری آخره دوشمان اولدقچه حکومت
استفاده ایدرز. حکومتک مقصدی بتون مملکتی اوزلرینک ظلمنه اسیر ایتمکدر.
عوام جاهل، حکومتک دسیسه سندن خبری یوق، ایشک حقیقتی موازنه دن
عاجز، تورلر پوپلر سوزینه قولاق سالورغه هر زمان حاضر. اگر بو خصوص لری
بوندن سوگره کیلاچک حکومت نظر اعتباره آلوب تأمین استقبال ایچون بر
تدبیر قیلمازسه، نه زمان اولورسه اولسون، عاقبت شمیدیکی قفقازیه نک ارمنی تاتار
وقعه لری کبی وقایع تاریخیه لر میدانسه کلمک احتمالی ده بعید دکلدز. شو
حالده بزم ملتیزنک اعیانی بو خصوص لری اعتباره آلوب، کیلاچک دوماده
ملت مجلسنه موقع مذاکره یه وضع ایتمک درکار اولور. شمیدیک بز بو
موضعده بو قدرله اکتفا ایدوب، فیما بعد بو بابده مفصل
مقاله لر ایله « الفت » قارئلری نک نظر اعتبارینه
بر چوق مسائل مهمه عرض ایدرز.
« و من الله التوفیق و علیه التکلان ».

